

#812·81
2734
14



978785

龍令君夫婦六十敘

國朝

不精圖

天禧

丙辰秋予客蕭生從泐之

酉秋閣夜與論詩言唐人

無壽詩有之不過如王昌齡河上老人之作又為言

詩體各各不同因及古人八音體之工巧時黃君公

雅在坐曰先生曾見永新龍夫人八音詩乎予曰未

也公雅乃誦其公車憶子一章予驚問龍夫人何伉

儷是何代人邪公雅曰此吾外姊姓賀氏今孝廉科

寶之母也與其夫子攸令君年纔六十耳未幾子避

兵水雲庵孝廉舊讀書處地偏無人事公雅日過子

魏叔子文集

卷十一 龍令一

五

嘗道攸縣君及夫人事君永歷間以明經知攸縣數

月解組歸率筮室課耕鳧溪山中間與二三勝友尋

山水飲酒論文而夫人獨居龍溪構竹隱樓日事藏

修與孝廉賦詩彈棋子母相唱和無虛日或手調絲

桐以自陶寫攸縣君歲時過從則夫婦相敬如嚴賓

焉今六月君夫人皆壽六十吾子禮宜賀敢請先生

之文追觴之子嘗客揚州曾敘下夫人青山集客西

陵為黃夫人敘娛墨軒詩于人才之難幸不幸之間

三致嘆焉黃十二夫人皆中道賦黃鵠又有衛碩人

河此

之感君與夫人齊年康強加以令子克續其學亢其
宗可不謂天幸者歟

古之負

擔挽鹿車莫不與伉儷偕隱而君夫人衡宇相望于
數十里之間各適其志以自適其加于古人一等邪
予聞君性樂施焚數千金之券歲歉散廩粟以貸
貧者而夫人善繪事所繪大士像最工且多予嘗見
而題其上然則君夫人之所以自壽者可知已於是
書以貽公雅而歸諸君夫人之子云

門人蕭從泓曰文之用意處如輕雲漏日用法處

魏叔二文集 敘

卷十一

龍令二

五

如游魚出淵不必議論而自妙者此類是也

○○○李元仲六十壽序

予少愛春秋左氏傳年幾五十讀之不厭嘗以謂天道十年一變三十年爲一世而二世爲六十年剝復盈虛消息之數於是爲極左氏傳春秋列國事凡四六十爲二百四十年又當王道衰熄之後後世千萬年之變無弗有者特其文簡義隱約非深思力索不能得其解左氏好紀怪異所載老壽之人恒多奇跡長狄僑如百餘歲侵魯見獲此不足道絳縣賢者年七十能執土功於杞延州季子九十六餘將兵古者七十

魏叔子文集

序

卷十一

李元仲

五八

十而致政衛石碻告老未詳在莊公何年然桓公立十六年見弒則碻已八九十歲故其使告陳曰老夫耄矣無能爲也方且誅州吁殺其子厚立宣公智力精強以復讎定國難乃出於耄昏之歲何以後世二千三四百年間未遽見其人而其所稱引古人事則

又有不可解者魏絳和戎述窮羿夏康之興敗云夏故臣靡事羿寒沉滅羿靡奔有鬲氏以興少康按羿遂王相二十八年而泥殺羿泥篡四十年少康復辟靡當相逐時爲夏臣非幼穉可知身歷羿泥垂七十

年然則祀夏配天之日靡當年百歲上下視衡石備
成功尤奇且吾嘗疑靡之爲心無乃非人情也人上
壽百歲少吳顛頊帝舜禹皆以壽聞雖上古氣運敦
龐壽百歲者亦罕靡身爲賊臣三十年羿敗而後奔
竄伏草土又四十年靡忠且智獨不念人壽難倖得
惡名不可久居此七十年間脫令身先朝露則萬世
下當與莽大夫唐六臣並列然靡恬然身且爲之久
而益晦則誠何心也寧化李元仲先生書無所不讀
三十年危言危行

魏叔子文集

序

卷十一

李元仲

五十一

與吾友彭

躬菴季弟和公交甚篤今九月先生紀年六十此韓
愈所謂十日十二子相配窮而復之數也躬菴將親
往爲壽

遂舉所疑質先生

以庶

幾吾黨草間乞言之義云

顧景范曰文如雲氣蜃樓起不知其何以成止不
知其何以散而字字沈著悲壯壽文至此真絕調

矣

○黃母六十壽敘

歲屠維作噩之且月門人黃光會母夫人壽六表於
是其同學生來乞言於予予曰光會兄弟率母訓自
成立各教授生徒求仁者之粟以養其親是亦足以
壽母矣雖然子因光會之母以風世之爲母子何能
已於言母年十四歸中采君獨身理中饋如成人婦
年二十七而稱未亡人光會爲遺腹子二兄並六歲
以下丙戌翁樂元先生旣徇義母諸子益無依倚乃
徙就舅氏深山中作屋迪衡宇延師以教諸子日夜
身紡織具酒饌雖歲儉物踊貴無敢不豐諸子課畢
定省必問所肄業多少時涕泣言汝祖平生尊師教
汝父不孝早夭爾輩當勉強問學繼父志慰汝祖地
下時光會幼亦涕泣下不能仰視也諸子旣各娶婦
母嘗庭立諸子命諸婦立幕內稱述家世勤儉之德
閨中人之雍穆先人善德事與所以教訓子若孫者
故諸婦和守禮法無或反唇而稽方母之于歸也逾
年姑病盡疾醫人使納蟾蜍猪胃中旣熟沈湯而進
之氣穢惡曰有死不肯食母輒引飲其半無難色於

是姑以爲不足介意。飲至盡頃，大嘔噦，腹中物盡出。病遂瘳。母姓王氏，爲黎川望族。其高祖母享年百有二歲，故人稱母外家者，皆曰百歲支下孫。禧以爲母於姑孝，於夫節，於子慈，且義傳。曰：五世之後，必復其祖母壽，不百歲不艾矣。

涂宜振曰：平叙中能造句設色，使人神爽而飲藥一段，尤有生氣。

魏求二文集

叙

卷十一 黃母

五

○○于母七十壽敘

古今之稱節婦與忠臣並重而婦節為尤難然所遭
又各有其時必論其時然後忠與節之難者可得而
見受遺而託六尺之孤盡瘁鞠躬以無辱命此凡為
忠臣者之事而或當太平無事之日從容措置於廟
堂之上而天下晏如或受命於倉卒處立於危疑師
旅游興外內多故而能扶持匡定以無隕其先烈此
二者非可以同日語也友人鄞縣王正子母夫人年
二十而寡流離患難翼其子以至於今予常舉是說

魏叔子文集

叙

卷十一 于母一

六十

也以告正子正子曰誠哉子之言矣然世之抱難為
之節隱德閭門之內或不生賢子合孫上得請旌表
之典下俾大君子紀述於文章形於歌咏其湮沒而
不傳者何可勝道今吾友廣陵于君王庭王臣之母
夫人獨身翼其子以至於今七十年者凡三十四年
矣予日願益聞之正子曰母姓薛氏十九而歸羹粥
翁十八年而翁沒在甲申之五月今夫母產宜陵巨
族于氏系出忠肅以禮義詩書世其家其比節栢舟
固無足異者嗟乎母之所為極難耳方甲申三月京

師陷踰二月而翁以疾卒海陵是時淮南北大亂揚之屬無開戶之家靡赤幟而掠草草而持白梃者輩相屬於野母以一少婦人衰衣雪涕攜弱子孺女竄走山谷東西轉徙無定處卒能免外侮守故業教其子以成各諸孫皆斐然有文學亦可以為難矣而母傳筆法二子方懼其母之無傳也於是仲冬日二十有五為母七十初度正子介二君操名紙詣子再拜奉母夫人之行述而乞言子再拜受簡讀而謝曰母之節辟諸忠臣其殆當其時之所難者歟

魏叔子文集

叙

卷十一 于母二

六一

以下下 韓人求文處發獨列然世之乞言以榮其親必違

官貴人

之論 而予自甲申來伏首草間棄諸生服以

布衣老者亦三十四年二君何

予言是微為

正子曰二君固常與吾有言矣布衣之士

勢微而力屈於當世一無所重輕獨文章為有權故

懷道義而能文者其至也雖天子宰相不能與之較

工拙且吾母氏固非侈

貴人言為賢於鄉

里者也然測言其何屬予聞是說也面熱而汗浹於

背然而不敢辭

於是並次先後語歸二君以侑觴

徐孝先日文分三段首段借忠臣之難以形節婦
中段叙事末段發求文本意而通篇以正子問答
作格曲折錯綜遂增無限烟波其叙次尋常請謝
之言皆極姿態所謂老致紛披者如此

王正子曰嘗讀先生所作壽文數十篇超凡脫俗
極其變化至悽愴嗚咽之音搖曳之態當推此篇
爲第一

魏叔子文集

叙
卷十一 子母二

六三

○○歙縣吳翁八十壽敘

歙縣友人閔君無作與予相見於揚州曰某年月日鄉君子吳翁長蘅壽八十敢介其子焮、燧、熾、炳、北、望、再頓首奉書以乞言於是閔君曰翁先君南岳公用積著起家翁念曾大父新齋公以春秋中甲科歷官郡守大父南波公明經爲邑長令不可當吾世而弗紹也於是偕其仲力學爲諸生最旣數奇家中落復

偕仲治生計業起踰昔時則益務施予州人之急築

堤梁捐逋負過千金於宗爲祠廟文會之館教訓其

魏叔二文集叙

卷十一 吳翁一

三

子弟之秀者而於諸弟尤篤愛諸弟皆以嚴父事翁仲旣弗祿視其子與子俱毋較財當翁之少也南岳公有弟貧翁嘗勸公捐財以讓叔氏叔氏子孫是以衍門以內雍雍然無反唇而稽者翁之化也翁爲人醇厚寬恕有禮練溪之濱薰而善者如干人子以爲是是可以壽無虛子之文矣乎閔君言如是予端拱南望而致肅顧謂閔君曰善哉其於兄弟也與哉泰伯讓弟以成孝仲雍事兄如事父吳氏子孫皆忘其爲非伯出也者伯仲孝友大啟厥家至孫周章實有

爰於空
寫撰

吳國封爵上公是以傳世十八歷年六百有餘無弒
篡之禍為周公太公之後所不及終吳之世惟光一
人而是時延州季子復推讓於兄子年何情前事老歷聘上國
豈非順德之應與翁既好行其德有自天祐之之吉
而於兄弟於兄弟之子慈愛無間其真克念祖德者
吾聞翁年八十強敏如四五人閒居讀書不輟時
或與親舊奕棋笑語夜漏下二三十籌聞子聲丁丁
然延州年壽不可考包然于八延州妙妙讀左氏傳哀公十年札將兵
與楚子期軍竟上時季子年九十餘矣尚能習兵事
魏叔子文集叙 卷十一 吳翁一 六

百歲無足多者翁矍鑠不減延州吳氏世德之應又
當有在矣子未親見翁而閱君君子也其言信閱君
其以吾言復於翁諸令子若不以為不文曰是可書
也則請書之為翁壽
姜鐵夫曰前半閒手便叙實事後半全從空中發
揮諸壽文中又變一格

○閔母七十壽敘

粵自太妣以胎教著於詩禮邑姜以才列亂臣後世稱婦德者必以克相其夫教其子爲能賢蓋婦人無外事酒漿織紝中閨之常德故觀其夫與子之賢則其爲妻爲母者可知然相其夫者事未易顯而教其子者顯與夫共教其子者事猶未顯而教子於夫之既沒則其事最顯而尤難予交歛縣閔君本貞年甫壯醇厚有長者之德不事制舉業而斐然溫文好詩書由國子生授職將宰百里不慢不驕樂交四方之

魏叔子文集敘

卷十一 閔母一

七

賢士而閔君則又早歲而孤吾竊怪其何以致此也及久與之游交其群從伯叔兄弟然後知其得於母夫人之教出尋常萬萬母生場田巨族鮑氏寡言笑爲父母所器其歸士升翁也姑熊太君在堂母事之得其歡性慈御臧獲笞罵罕及者而門以內小大成畏憚是以士升翁相莊如賓友翁好行其德則皆母有以助成之母中年舉本貞十五而翁見背方翁少起艱難產不及中人暨母主家政經營籌策動多奇中由是家道浸以昌大昔寡婦清生巴徼能殖財

自衛秦皇帝動色加禮至爲之築女懷清臺清園奇
婦人也。然太史公未嘗載其女德。又其子無聞於當
世。豈地僻年久遠傳述不詳抑有籌畫之才加以克
修內行善教子成名者固不易得耶。戊午六月母七
十初度木貞帙母行述再拜乞言于禧禧反帙再拜
而謝曰子固已知之矣。昔者熊太君壽百歲子謬爲
頌祝之文時太君從本貞居母以婦道兼子職者數
十年每事先意奉太君太君無幾微見言色吾聞孝
德不匱于壽爲宜太妣思嬪大妊享年高其數不可
魏杖二文集 敘 卷十一 閔母二 六六
得考而武王未受天命已七十餘歲邑姜元妃時猶
倚十亂之數則其康壽可知母今七十身康疆善飯
他日吾猶得執筆復爲母作百歲之文本貞勤德不
懈將必有崇臺烏頭而赤其四角者何區區懷清之
足慕云

楊青臣曰文體暢博而滾蔚其無中生有處如雲

霞之爛起

○○程翁七十壽敘

廣陵於天下號稱繁富四方宦客之所寄財貨所聚

故其俗紛華競侈以相高鮮衣美食甲大江南北而

好行其德者亦遑遑出其間為他郡邑所不及吾五

至揚州見夫收棄子而乳之者有人濱河水患饑民

千萬為郡糜而食之者有人冬人病涉梁之有人大

江潏泱盲風覆舟造輕舸拯溺人懸賞格于漁子者

有人酷暑邁厲虛館疾醫而行藥者有人夫乳棄子

之費金以數萬計食饑之金以十數萬計拯溺之金

魏叔子文集 敘 卷十一 程翁一 六七

以數千計橋梁道路唐肆茶飲之金以千百十計甚

矣揚之人之好行其德也吾嘗以為天下細民之窮

非大患也富民窮而天下乃真窮故善治天下者必

務養富民富民養而窮民乃有所賴藉以全其生是

故富民者窮民之命國家之府也然富而好行其德

者不可不以為難丁巳冬予飲黃君盡臣家時閱君

象南同一客至髭鬚皤然溫然而恭神明清而強二

君顧謂予曰此程翁休如也識之乎予揖而言曰未

也雖然聞之句揚之乳棄子者翁在焉食饑民者翁

也雖然聞之句揚之乳棄子者翁在焉食饑民者翁

在焉。立賞格拯溺人者翁在焉。橋路店肆茶藥之施

翁無不在焉。甚矣翁好行其德者也。二君曰不寧唯

是五里墩有敗闡植巨楠百數十邦。水滅之大舟闖

觸立破。禍人無數。或以爲神。椿一日河涸而僂見翁

出金贊事。使人拔以登鳳凰橋。壞南北人病涉。雙橋

之路。圯病行人。翁皆單力治之。且翁德固莫大於賑

饑。民者翁既出金與粟。又身獨董一方事。久而不言

勞。時弼厥人衆。日有擠死者。翁請于鹽御史。另于淨

慧園增設一廠。親董其事。凡四十日。共賑饑民七

十七萬五千二百餘人。子曰嗟乎甚矣任事之難也。夫任賑饑

之事爲尤難。部署不得其方。則擠沓糾紛。而饑民死

分給不均。則飢與飽偏勝。而饑民死。水火之劑。不調

則潰腹胃傷。而饑民死。不能察在事者之侵牟。則金

粟中飽。財不繼。而饑民死。翁身董其事。使饑者去。四

死得四生。宜乎老壽而清強也。二君曰去臘翁壽七

十。翁子孫曾凡二十餘人。仲子澎。方官京師。待次爲

部郎。不得親。乞言。吾三人者五十年昆弟交也。敢請

子之文。追壽之可乎。余笑曰可也。

遂書以壽翁

注蛟門曰敘述程翁善德而以養富民及賑饑大
議論夾發之遂使文有關係增幾許光鉅矣
柳長在曰前段虛籠後段實應却妙單抽賑饑一
事重作議論便于整齊中得參差錯綜之妙

魏叔子文集

敘

卷十一

程翁二

六



○○○蕭孟助六十敘

戊午仲冬予辭徵與疾章門吾友研隣子會以蜚語
羈郡舍踰月六十初度研隣諸子從泐予門人也來
乞言予曰微子謁之吾固將言之錢虞山吳梅村所
爲子世父四十五之文子則旣見之諸如孝友於
家爲邑人與除大利害賑施於親踈數十年不倦亦
雜見於他文予獨於研隣所以處患難者而嘆交游
之義於今爲信研隣世家子早有譽於天下天下賢
豪士從之如流水世以爲有鄭當時之風夫氣不足

魏叔子文集

敘

卷十一 孟助一

七

以蓋天下者不能交天下之士無高明特達之見則
不足以知人。研隣廣交而知人無妄之禍如天將歷
而謀面與未謀面慕義者莫不咨嗟扼腕願爲之出
力研隣羈郡舍左圖右史日焚香作文字泮渙若無
所與此固研隣天資過人要不可謂非交游力也予
讀左氏傳至晉公子歷之諸國以爲五霸國皆萃於
是亦春秋一大都會也當其適宋宋襄公贈馬二十
乘之楚楚成王燕勞而禮之之齊之秦齊桓公秦穆
公皆妻以女齊亦贈馬二十乘皆能知晉公子之賢

必及其國而敬其從者獨於曹衛雖其臣切諫而君
不禮焉竊怪衛文公以賢明之君於邢狄滅亾之餘
猶能布衣帛冠勤政勸學以興其國而於晉公子諸
人獨不能知而爲之禮何哉然後知守文循故之人
固不足與論度外之事也齊秦諸君身守一國而志
在天下其平日君臣所相經營者皆不僮四境之內
彼衛文公則不能嗟乎世慕研隣交游之盛抑知其
交游固自有本乎研隣閱世數十年楚成王所謂艱
難險阻備嘗民之情僞盡知之者研隣則既身親之
魏水二文集 攷 宋十一 孟助二 七一

夫積之久者流必遠而天地之道勞者常生子世父
之壽其亦可以徵從泓再拜曰諾於是口授從泓
莊錄而獻之

弟和公曰以交游發偉論開拓心胸增長志識而
孝友仁義文學俱用閒筆帶出賓主牽綴最爲雅
構

蕭虎符曰此恰是患難後六十壽文四十五十時
一毫移借不得

○○○季第五十述

歲己未之仲冬十八日，予季禮季五十有一子，傲儼侃，將觴諸賓，乞言焉。傲生晚，二子尤幼，于季平生事弗詳。淵明曰：今我不述，後生何聞哉？作季弟五十述。

先徵君年二十四，生兄祥，二十八生禧，又五季己巳，生禮長，字曰和公，和公幼遲鈍，性劣，父母以屬予，予十一、二歲，有過，輒鞭撻之，不以聞，亦嘗與爲兒戲，稍變色，卽惴惴，無所容，嘗犯教，先妣怒，且笑曰：會須與

魏叔子文集

卷十一

季第二七三

汝叔兄言，予與伯兄私憂之，季十四，予偶繙季脚稿，得雜記語云：叔兄每笞罵我心愛我也，我樂得親之，予驚以告伯兄，曰：是子殆有心胸人，年十七，補諸生，丁亥邑新令至，徵君召諸子曰：汝輩云何？禧率爾對曰：甲申哭臨之言猶在也，禧又善病，願奉父妣以隱，徵君曰：可禮對曰：願從叔兄後，徵君笑曰：爾未有名字，人將以爲逋督學使者，試耳，對曰：道我不識一丁字，固不以亂吾意，徵君曰：可伯兄遠巡對曰：長子責在宗祧，祥其出乎？于是二弟山居奉父妣，伯兄獨身

出而季更請。處。總。提。一。篇。以剛直自見性訥寡言論然往往面折人
急然諾喜任難事好侑儻立節浮沉于時又刻苦讀
書工古文詩名日起易堂執友長季二十年以上者
皆特與爲兄弟交二兄儼然以畏友禮之徵君嘗笑
謂禔曰吾不意此兒如是壬辰山中變財物盡于賊
二老無所養時伯兄客潮州帥府盜中起路絕歲且
暮季曰吾當取束脩于潮爲菽水貲遂立行返盜益
出商旅蜂屯不敢過季聞賊方殺行人于隘趣僦人
荷擔行倍其值告等人曰彼方得貨不遽出也緩則

魏水二文集叙

卷十一

季第二

三

夏來矣遂行隘上人血正鮮等人戰慄過之明日容
聞句有踵行者竟被賊由是季以膽畧聞父毋旣歿
季益事遠遊之聞廣渡海達瓊州北抵燕過豫適楚
入秦上太華山遊龍門歸而築室于翠微峯之頂自
榜曰吾廬其省伯兄于燕也山東方饑而食人竟過
之渡瓊海風浪夜作乘月作渡海歌瓊州兵變索人
而殺之季主裨將家作海南道中詩卒爲設計畫平
其亂瓊州雄長海外大總兵尊比王侯縉紳以下皆
屈之聞季名請見季長揖爲上客一州皆驚謁海忠

介祠四拜謁邱文莊揖之省邱邦士于秦聞道人彭
荆山居華山絕險處一日直上四十里索跌踏飛磴
訪之高韓昌黎哭處十里過中州赤身渡伊水逢友
人交騎語頭觸棗樹破幾斃語詳彭躬菴南海西秦
詩敘中季足跡結上起下又總提幾遍天下所至必交其賢豪尋訪窮
岩遺逸之士而天下士亦往往識其姓字願一見與
納交歲己亥季下江南至吳城問舟有虬鬚僧先在
舟曰公何姓曰姓魏虬鬚僧曰得非魏和公乎相與
大笑深談數日夜至金陵書廊閱市書有老人聞江
魏叔子文集 叙 卷十一 季第三 七四

西音徑前揖曰人言江西魏和公將到果耶季與語
老人大驚其適楚也至武昌將登黃鶴樓于道見一
男子魁形濶步仰視而行若旁無人者獨數目季季
亦異其狀相與目之既而諸大官自樓上鞠獄來二
人爲五百所偏金肩立牆下季欲以言發之曰君何
處人客曰江南也君何處季曰贛州客曰贛之寧都
有三魏知之乎曰寧都魏氏固多耳客曰不然彼母
兄弟三人長曰伯子次曰叔子季曰和公吾容粵粵
中陳元孝言天下客粵衆矣未有若魏和公者吾朝

夕恨不見其人。是以問季笑曰：使在君，豈欲一識之耶？因自指曰：此是也。客大叫曰：異哉！我數目君，我固知此間無此人也。攜手大步，登黃鶴樓，貰酒痛飲，極歡與歸。逆旅中，留數日，去南康。義士陷大刑事，屬某司理。司理故寧化李元仲門人也。往季病，就醫瑞金縣。司理會候視之，寒作低幃而見。於是季輒衝風雪，秃元仲所索書，詭云有販布客傳此事。今附書布客來，當活義士。季留一夜，卽衝風雪，秃會城時，手瘡，持繳膚裂，血流腕至，則無人。肯名布客見司理者，又恐魏叔子文集

卷十一

季第四 七五

司理詢元仲家事，不應得大罪，而事頗急，不得待。季乃易名爲販布客，執手叩頭見之。司理問客與魏和公親屬耶？對曰：在五服中。司理揖之起，賜坐。客讓不敢。司理曰：和公兄弟行，何爾爲？強坐之。詢元仲起居，出明日再見。叩頭受報書。司理引之起，他日司理聞之大笑，且自恨曰：吾開眼乃爲魏和公所賣。季以布衣遊，旬公卿或折節交之，無所辭。亦間受其饋。然平生未嘗事干請，性慷慨，施與樂揮擲，得金輒散盡。客浙江時，撫軍范公贈遺之，歸爲大宗。宗子娶婦，吾

毋外氏絕立嗣子亦爲娶婦改葬先外祖及舅氏于近壘金不以鬪兄弟又述徵君志獨操筆修大宗二

百季譜皆秉古恣酌于今所可行宗人德之歲歲祠

祭致肝焉季二十以下全以至情平事收拾通篇奇古之氣、峻、峻、疾、流、蕩、無、數、懼、破、後病內傷咳父母喪幾殆又性褊

不能容物舉止好任意飲食寒暑勞苦不節適故疾

嘗罷而頻危今得至于五十者幸也比季東南亂起

顛郡文武大吏皆引重季與季斷大事車蓋嘗填寓

門季亦因是爲地方興除大利害而羣豪起者爭虛

左席以待季季皆弗應是以得全其身名優遊吾廬

魏叔子文集叙卷一季第五

之上以至于今者又幸也吾兄弟三人如一身自幼

至老如一日憶戊寅徵君析產持一田券躊躇謂毋

曰以與祥則禮損與禮則祥損季時九歲適過案傍

應聲曰寧損我毋以損伯兄蓋徵君之教先孝弟後

財利故季雖幼劣而明於義利若此今伯兄五十有

八輒遭大變吾與季日夜腐心泣血終無可如何吾

先世數傳未有年六十者吾季五十有一吾又加五

季聊以桑榆自解日久情移不能不謀所自適終餘

季是用苟活兄子世傑長斂十年稍歷世故又以孝

歿。吾。是。有。述。俾。爾。曹。子。孫。知。之。握。筆。之。際。悲。喜。交。來。
語。無。倫。次。不。能。文。也。

彭中叔曰和公倜儻奇男子此文瑕瑜並見正寫
得奇處神采奕奕令人如目見耳聞時也文只隨
筆叙寫而脈絡融注意格錯綜處妙與古法會矣

魏叔子文集

叙

卷十一

季子六

七七



○○彭躬庵七十序

余乙酉年二十二交躬庵先生至今三十五年如一

日雖一父之子無以過也蓋古朋友之義不講于世

久矣余十一歲頗知求友里中如劉公定李咸齋曾

青藜謝君求或以篤行令德或污身辱名而志不滓

皆次第相與爲石交意中竊自負若以爲天下無人

及見先生所行事議論稱道其交遊之人則皆若古

書傳所記載不覺愴怍自失意若發醯雞之覆而見

天取晉井之蛙而投之江河也初先生以福清林退

魏叔子文集

序

卷十一

躬庵一

七

菴言知予立談定交決計與朱用霖攜妻子相就舟

至余方晨起聞之蓬頭垢面褐被走砂磧相見慷慨

談論每至佳處先生輒攤兩手向用霖曰何如是時

先生長予十四年爲名卿相所賓禮立義聲有大名

于時予方跼蹐鄉里名不出州府而先生一見特與

爲兄弟交古人所稱知己何以過焉然吾兩人山居

爭論古今事及督身所過失往往動色厲聲張目至

流涕不止退而作書數千言相攻謫兩人者或立相

受過或數日旬日意始平初未嘗畧有所芥蒂而先

生性尤嚴烈無鉅細事輒危言切論以警懼之余嘗
謂易堂諸子曰吾生平多君子交所奉爲益友畏友
者必以躬庵爲首蓋其言之切中可奉爲韋絃而其
不必中者吾亦可儲爲藥石也余于是而嘆夫人朋
友之功蓋幾于生成等且夫一鄉一曲莫不有忠信
之士可寄托之人然而賢人君子之足名于天下後
世不多見者則何以故蓋無特達偉俊之人爲之開
發其胸智所不知夾持其力所不及而俗師小儒又
以其鄙志陋識自私自利之學術教導而薰陶之是
魏叔子文集序卷十一躬庵二 七九

以雖有美質終于汨沒而不能自立以有成也小頤

之材松栢之木可以歷霜雪勝棟梁也明矣然而無

場師焉爲之識拔灌溉長養而護持之使之雜生于

械柞之中瘠土之上牛羊斧斤又從而尋之其得成

材者幸矣而其能自樹植以有其天年者然且根莖

不衍枝幹不强而不足以勝梁棟悲夫吾甚惜乎鄉

曲之士忠信可寄托之才而終與械柞弱草同類而

並腐也則甚矣余之多幸也先生老不忌世四十年

不安其席比遊楚阻兵不得歸或有以高官達爵餌

先生者先生去而逃之山中及歸而先生適七十易
堂諸子咸謂先生得出處之正夫百里奚七十而入
秦先生七十而去之其義當必有在而先生則曰吾
不敢負吾朋友也噫此吾所以交三十五年而如一
日者也先生出矢言謝遠近交之以詩文來壽者余
則何能已于言故不敢誦言以侑先生之觴而私序
之以告同學云

彭中叔曰人才須師友而成本是平論此獨從松

栢不位爲棟梁處十分概息議論便自切要俊偉

魏叔子文集序 卷十一 躬庵三 序

其一氣雄浩亦似擬樹廬文字也

弟和公曰寫躬庵爲人與二人乍交淺交處奕奕

如目兄何滅太中公傳

此處有模糊不清之文字，似有「躬庵」等字樣，但已難以辨認。

○贈程山五君子五十序

同立乎程山之門有六君子焉。封君禹成最長其五十也。予爲序以贈之。黃君維緝之五十以辛亥。甘君捷齋以壬子。危君二爲以丙辰。湯君長人以丁巳。曾君美公以戊午。五君子者。予皆欲得序之未遑也。而危君之子澠。湯君之子一德。申前說以請予。鹵莽于學。何足知五君子。然予得與程山先生爲兄弟交。六君子者。皆得以齒學相雁行。其知之不可謂不深。則是五君子者。予其何能已于言乎。易曰。君子之道。或魏叔子文集 攷 卷十一 五君一 又八十 出或處。或默或語。維緝成進士。蕭然若布衣人。自終養至乞病。未嘗泣一日之官。此任而如隱者也。捷齋一試諸生。輒棄去。不輕持面目。見人然均差徭平劇賊。爲郡邑。興除大利害。日飯蔬飲水。而營心天下之故。此隱而如仕者也。此二君者。最相得。久其出處語默殊不同。而二爲長人。恂恂修諸生之業。美公四十餽庠序。忽舉而棄之家貧。至腐豆賣錢以自給。是又何所見耶。然而孝友于家。廉于財。不苟且于言行。學古賢者之學。而缺然以爲若將弗及。然者則無弗同。

也。予自視行已玷闕不敢望五君子之項背則無弗
同也。然其爲人美公毅而介長人和而有守。榘齋二
爲垣中而好義維緝虛己而摯五君子性情行己之
不同。又如此者然予猶有欲質問于五君子者。易曰
麗澤兌君子以朋友講習孔子曰學之不講是吾憂
也夫孔子所謂講學非徒考鍾擊磬揖讓進退匡坐
而談經也蓋朝觀而夕摩疑相質而過相規無事非
學則無時非講學故子夏曰子離群而索居也久矣
往五君子同聚于程山比年離亂各散處相去或數
魏叔子文集 攸 卷十一 五君二 八上

十。百。里。歲。時。不。二。三。相。見。其。所。以。爲。學。獨。處。而。不。孤。
無。輔。而。不。懈。者。當。必。有。在。予。固。願。聞。之。以。自。鞭。策。頃
吾。季。弟。五。十。初。度。遠。近。之。友。來。集。而。吾。易。堂。自。叔。季
外。躬。庵。中。叔。二。人。而。已。古。人。晨。星。之。歎。不。勝。怛。然。于
心。竊。憂。夫。良。友。之。日。寡。吾。行。已。日。以。玷。闕。也。而。程。山
六。君。子。者。尚。歸。然。五。人。者。存。焉。則。何。其。幸。矣。哉。夫。姤
之。爲。卦。五。陽。在。上。而。一。陰。生。聖。人。爲。之。危。懼。有。勿。用
取。女。羸。豕。孚。蹢。躅。之。戒。然。使。五。陽。同。心。堅。立。而。不。反
則。一。陰。必。不。能。相。牽。以。進。遜。且。無。有。而。況。于。剝。乎。五。

君子從程山先生學易而先後當五十之年其必有以詔我矣

施虹玉曰西江理學之藪私心嚮往讀此作想見

江上數峯青

曾止山曰序事簡淨淡得太史公合傳之法人各數語可槩生平結以易終寓意淡矣

魏水子文集

叙

卷十一

五君三

全

○○○贈謝約齋六十有四敘

乙卯四月程山先生六十初度時西南亂方劇寧都
南豐二百里間或赤纓介馬而馳或喪冠博衣翔
于城市相去若絕域及己未東南既定烟火千里行
李數往還予以易姤之義追敘五君子五十而始憶
先生六十之壽蓋先生已六十有四矣予更請以易
論易自乾坤六子入其八之數爲六十有四而卦全
天地之大萬物萬事之變理亂興亡之氣數自今以
至于無終窮期舉未有能出此者然人生六十十日
魏叔子文集 叙 卷十一 約齋一 八三
十二子既窮尙所謂剝之時非耶物窮則變剝則必
復先生之六十既四年矣夫剝不遽復剝復之間有
坤焉以厚德之土養其碩果以至于萌芽蕃大然後
可以屢進而之乾洪範之五事一曰貌二曰言三曰
視四曰聽五曰思思曰睿睿作聖疏曰思通土也故
曰復其見天地之心乎天地之心晦于剝見于復而
養于坤萬物生死出入皆在乎土萬物有新故而土
無新故萬物有成敗存亡而土無之是以大旱流金
石大浸稽天而土如故也古之聖賢飢寒不以易其

操患難不以挫其志拂逆叢挫之雜投不以亂其心
其所以養之至矣先生學道三十年晚尤以養心爲
學然則今日者天人之際其皆在易之坤乎夫物之
方剝庶草百卉亦恆有于時而橫發者而碩果之爲
物非養之至濃氣足而候至則必不輕吐其萌芽是
以由根枝以至拱把環抱其枝葉可蔭而果可以食
剝之不遽復也所以復之者淡也人則不知而天知
之先生其益厚土之德以剛健中正自養而需乾之
會自此而七十八十以至于千百歲予淺陋其何足知
之

魏叔子文集

叙

卷十一 約齋二

八古

屈翁山曰天地之太和在碩果天地之心惟程山
知之叔子能言之文之精純亦有一陽初復之象
說易以此爲至

王璞庵曰談易入微行文之妙真宇宙在手矣

○歐陽期伊五十序

歐陽介庵翁常爲予道其族子期伊君賢且能文因得交之介庵孫士杰子門人也方師期伊爲制舉業己未十月予將歸易堂士杰請曰月之十二日師期伊五十初度杰敢乞先生之言爲壽予曰諾期伊端士也吾何吝乎一言期伊聞之攝衣冠趨室中頓首而辭曰某何敢雖然某有母異乎他人之爲母願先生一言褒之某死且不朽雖百歲之賜何有焉于是顰涕再拜稽首而言曰某側室子也嫡母姓蕭氏母魏叔子文集叙卷十一期伊一八五

康氏父台垣公年四十七而生某生五歲而吾父見昔時嫡母年才三十二無子與母康忍死以鞠不肖顧我復我逾于吾所生某家故饒資產以寡弱悉爲親屬所吞茹養生之具盡而母矢靡他節從不肖子終其身以至于今七十有六也夫人情舉子晚則愛之重幼孤則益驕某是以幼失學壯厠子衿而佻達不改無有所成德以光榮吾母某罪重矣其後痛懲往者之非而忽忽年且五十悔之無及噫世有爲嫡母如母者哉子聞之嘆曰嗟乎世有爲嫡母如母者

哉。雖然有是母必有是子。期伊之言樸而至劄筭而痛淡孝子之言也。記曰仁者人也親親爲大是故孝者必仁仁必生生而不息。期伊之所不敢自壽者其卽期伊之所以壽歟。遂書貽士杰以爲期伊壽。

門人陳家銘曰文本壽子却通篇俱是述其賢母妙從子口寫出不致喧賓失主意格高脫于壽文中又出一格矣



○○程楚臣六十敘

休寧程君楚臣以庚申嘉平登六表其子兆麟介友人洪君亭玉來乞言兆麟年少工詩詞爲諸名宿所賞歎近因洪君致嚮往于予甚篤而洪君又爲子備言楚臣內行予樂得道之爲兆麟佐觴書曰惟民生厚因物有遷生莫厚于父母其次爲兄弟然兄弟之愛往往不終甚有結契於朋友而仇讐於骨肉者則大率財利之物遷之故貧家之兄弟嘗和而富貴家之兄弟相視如路人聞程君幼最孝長而獨身勤苦操作以成其家豐亨之業輒與二兄共之夫推財以與他人此長者之行程君周人之急賑饑恤患歲無虛日誠爲不易得然世之能行此者不乏人乃吾嘗見好施之家能散財于路人而不能不爭財於兄弟其故何也則以兄弟至親與之共財爲家人之常節不若施諸路人有赫赫之名而陰德報應之說又足以破其鄙吝之私于兄弟則皆無有焉嗟乎此程君所以爲厚也陰陽之氣五行之用莫厚于土亦莫壽于土程君生季冬值土之位而躬土之厚德其自此

而耆頤。何疑焉。君僑居松江之石笋里。有高士王玠。右躬耕海上。荷鋤擔耒。草以田古。所謂難衣食人也。君嘗餽遺之。久而不倦。而王君亦受之。不辭。昔處士錢芹自守甚高。太守姚善使吏送米於俞貞木。而誤及芹吏。以告貞木。貞木曰。錢先生不苟取。與今受不辭。仰府公之賢耳。由此言之。愈可以知程君矣。兆麟以監貢需次補官。吾知他日所以誦君者。縉紳貴人之言。將不勝錄。而特徵言于草間。士潦倒如予者。母亦奉觴之際。先菽水而後肥甘也。與是爲敘。

魏叔子文集

京

卷十一

星卷二

六

紀伯紫曰。以楚臣內行感慨世情深切。曲當可以鍼砭膏肓。此有功世教之文。

洪亭王曰。壽文套濫。至今已極。何意得此清真之。作後幅以高士互見。尤爲超脫凡俗矣。

○○羅母六十序

己未十月歙縣羅母葉太君六十初度友人黃仙裳
陸懸圃王正子並寓書山中介其子慶善述善教善
來乞言書至踰母壽已百二十日然余不可以無言
敢藉手三君以復三令子于是空首濡筆而爲文曰
人之克有令名以壽其身垂諸後裔必以常德爲基
焉而特達之識先機之智雖文夫讀書識理亂者所
未易及至婦人女子身處閨闈之內親杵舂麻枲之
事抑又難矣母出葉氏望族旣歸若履君事翁如父

魏叔子文集

序

卷十一 羅母一

九

事繼姑如母于小姑娣姒若屬毛然又以身爲冢婦
有內政之責事鉅細皆親執勞以先家人綜覈無失
算若履君卽世遂謝筮籥至析箸則田畝器用皆自
取其下者人以爲有薛包之風所居大厦母身親經
營並推讓叔季無吝色唯誠三子以自立曰毋嘽嘽
財產爲也而三子卒能好學立行結賢友以顯其親
所謂以常德爲基者非耶吾聞甲寅先五六年天下
無事新安稱樂土母從容謂三子曰吾以人事觀之
此土其將有變乎變作吾儼處萬山中將不得出于

是慨然命三子徙家淮海未幾而母言大驗昔呂頹

聞祿產釋兵就第出珠玉寶器散堂下曰毋為他人

守也頹可謂智而決矣余甚惜其所見之不早夫呂

氏之禍伏於握兵之日而特發于罷兵之日耳珠玉

寶器豈待此時而後散哉且夫引年延壽之道或以

導引或以服餌皆致養于內者也而不知亦視乎其

時時平則導引服餌所以致壽時亂則出處之道趨

避去就之方乃引年之大者漆園氏曰豹養其內而

虎食其外天下之事未知所終始其為吾虎者何限

魏叔子文集 卷十一 羅母二 卒

以母先幾之識自此至于百歲其終無逢菑害矣乎

吾寧都先代有熊母者熊本孝于姑慈于小姑引此啟本証先自任

一切家政使其夫本得專于學本卒親授書教其三

子鼎渙晉以成名元末羣雄並起偽漢一再遣使徵

鼎母曰彼敗可立待慎毋往元省守臣以書招之母

亦不許及鄧衛國取江西聘鼎從事母曰可矣吾聞

江表有真人是可依也惜傳不載熊母年壽所極然

本為經師從遊甚眾熊母嘗竊聽諸生談論斷其生

平壽天利鈍無爽則本之卒非少年可知而熊母猶

身教三子以成名目見江表盛事其爲老壽不待言者母之孝慈任家政教子與熊母同而先幾之識亦畧與相似母之壽其不可以年歲計矣

黃仙裳曰文筆議論如雲中樓閣有烟霞丹碧之氣

陸懸圃曰文分常德先機二段上段以樸勝後段出奇無窮然有前之樸愈覺其後之奇唯變化于法者知之

王正子曰引兩婦人作陪客一以反映一以正映

魏叔子文集

序

卷十一

羅母三

七

文字便覺攢簇可愛

黃仙裳曰文筆議論如雲中樓閣有烟霞丹碧之氣

身教三子以成名目見江表盛事其爲老壽不待言者母之孝慈任家政教子與熊母同而先幾之識亦畧與相似母之壽其不可以年歲計矣

黃仙裳曰文筆議論如雲中樓閣有烟霞丹碧之氣

身教三子以成名目見江表盛事其爲老壽不待言者母之孝慈任家政教子與熊母同而先幾之識亦畧與相似母之壽其不可以年歲計矣

○○○蕭小圃五十敘

泰和蕭氏以仕宦文物爲邑望子往交孟昉君多快
槩交游滿天下丙辰秋孟昉諸子從泓執贄見予畫
秋閣上因交泓尊人小圃君蓋孟昉母也性儉朴
足不出戶庭恂恂然言不出諸口與之齒則子同生
七十三甲子之歲泓因請問曰泓父五十初度三年
矣諸君子多贈言願先生益之余曰吾固有聞也伯
氏相爲壽其文吾則又見之孔子曰人不聞於其父
母見弟之言君盛德長者無怨惡於家邦皆世家巨

魏叔子文集

敘

卷十一

小圃一

六

室所難能子以爲尤難者在見弟之間伯氏之言曰
吾兄弟和好數十年未析產小圃年半百歲家寧無
大小未嘗主斷雖千里必請命視色聽聲不忤子於
神明子有過婉容幾諫雖孝子之事嚴父不過此又
嘗報泓書曰吾在瀟江見汝書道吾弟鬚白齒衰善
病吾心欽欽然不知涕淚之沾衣也嗟乎蕭氏之見
見如此子嘗以爲後世人倫之薄莫甚於見弟蓋五
倫惟忠孝爲難盡然父母生我恩最大君可以富貴
我生殺我

而私暱之情夫婦爲篤朋

友之投合有意氣相結約同生死者故四者或庶幾於世至於兄弟則以爲吾適然而與同生若路人之共居於蘧廬之內恩不若君父情不若妻子投吾之意氣不若朋友而又有父母愛憎之相激田廬財貨之爭貴賤貧富勞逸地偏而相形婦人之讒說浸潤而易入是以兄弟之故十人而九雖號爲賢者未免有幾微之情不動於聲色而累於其心然則篤兄弟爲世所難能有甚於忠孝者然而人特未之思爾今夫岐路相遭及其解攜也有徘徊之情其處逆旅奄

魏叔子文集

卷十一 小翻二

三

久旬時則分張有黯然而色何人微兄弟同母而共腹異母而共氣是以一物析而爲二爲三爲四也夫是謂之同體而年相若壽相似其共處於天地間自幼壯至老耄視父母妻子爲特久今小翻兄第二人孟昉交遊滿天下使天下爲聖賢爲豪傑者且千萬輩而欲於其中擇一人焉增之爲三小翻以所以事孟昉者嚴事之爲兄孟昉以愛小翻者撫之爲弟則萬萬不可得予兄第三人年並五十外內頗稱無間然予所以事吾伯兄者往往不及兄之愛我蓋予見小翻其

反。面。而。拭。汗。以。退。者。不。知。其。幾。矣。易。曰。自。天。祐。之。吉。
無。不。利。于。曰。天。之。所。助。者。順。也。昔。者。楊。延。壽。兄。弟。友。
恭。司。馬。伯。康。年。八。十。溫。公。時。其。寒。煖。飢。飽。之。節。若。護。
嬰。兒。二。家。兄。弟。並。老。壽。蕃。祉。吾。益。于。是。嘆。蕭。氏。世。澤。
之。長。而。小。嗣。之。順。德。其。年。爲。不。可。計。數。也。

門人王愈融曰文無他奇只天理人情透痛到二
十分便覺人說不到讀之而不動心者非人也文
氣蒼莽浩瀚有數百字爲一句之勢不意詩文中
有此絕作



此處有模糊的垂直文字，可能是另一篇作品的內容或題詞，因字跡不清難以辨識。

○胡太夫人八十序

荊州胡公在恪以觀察駐節南昌既告養歸里庚申復以公事至而禧將南下適憂示薪卧蓼洲之上公乃枉車騎臨禧于床幃曰吾見子壽吳氏程母之文甚悅之其辭可舉也公于是口誦其百餘言既而曰吾亦有母年且八十願得子之一言禧謝曰公少年成名進士再督學于江南江南士之魁天下躋尊遂者不知其幾而顧鯁鯁于布衣之言乎公笑曰非是之謂也子毋辭于是出行畧一帙再拜而屬之禧禧

魏叔子文集

序

卷十一 胡太一

序

再拜而受讀竟嘆曰胡氏之興也有以哉有以哉今夫乾之德無所不備而聖人于厚德載物必歸之于坤是以書傳所載自姜嫄太姒而下若孟氏陶氏柳氏諸母不可勝數夫豈抑丈夫以信婦人哉婦人之德多陰節又往往能輔丈夫所不及是以苟有其人則君子必爲之表章焉公母太夫人姓曹氏爲大中丞曹公忭之曾孫女公父少孤力學曹君以愛女字之太夫人旣歸封君親執中饋勤紡績以佐封君于學封君之座客常滿而尊酒不虛也泊甲申之變封

君絕意進取太夫人則相與成其志既而封君見背
太夫人督公兄弟于學日益嚴公是以至大官公弟
三恪工文學而公之子年穎年穀皆先後登賢書鄉
里以爲榮則又莫不曰此太夫人之教也吾聞封君
在日督諸子學甚嚴太夫人以寬濟之乃封君見昔
而太夫人之督諸子視封君嚴有加焉曰吾以母而
兼父與師欲姑息得乎婦人之情無不暱愛其子不
幸而孤則其暱愛也尤甚是故古今之以慈母而敗
其先世之業者往往而然而陶母柳母之倫獨傳于

魏叔子文集序 卷十一 胡太一 癸

後世公爲政寬猛因時江西之民去而思服之彌切

者其學術大率本此公年六十善飲酒聲如洪鐘聞
太夫人八十方健飯公每之官太夫人必有訓戒之
辭焉昔嘉靖中海豐太宰楊公巍年八十有六矍鑠
如常人其太夫人年百有一歲時有女歸寧年七十
猶稱少女公未知有弱妹與否然以太夫人之德與
公和平之政之及民者其必繼太宰而躋斯盛矣
蔡九霞曰敘事議論相間有山水迤邐之致壽文

中雅奏也

○○熊見可七十有一序

熊見可先生與其子頤以氣節文章自標持于清江清江之士子皆俛首而下之焉者見可六十時余將南遊以避暑寓樟樹間才于祝仲立仲立舉見可父子於是見可自山中出始見輒相發議論滾滾不窮久之頤方袖瑄巾而出余以羣紀交之時頤年三十有九余敬其高節愛其才勉之爲有用之學毋徒以潔身爲自足頤深然之未幾而貶服遜言以遊于世見可年日老氣日壯其議論閎肆無諱益驚其座人

魏叔二文集

序

卷十一 熊見一

七

庚申余就醫雙林道病過樟樹招見可至舟中鬚髮盡白氣尚猶昔也而見可舊年已七十至南州則頤元在朝夕爲余切脉和藥病竟以瘳余病益善遺志問頤年當四十有幾耶頤曰正五十矣回視初交頤父子時便忽忽十年嗟乎余與見可與頤十年來頭顱如此長困草土豈不亦可悲矣夫然見可少爲諸生當崇禎時以拔貢士廷對京師乙酉丙戌令建寧追近輦轂凡尚方所須咄嗟立辦及延平告急則建寧之兵先諸方面至獲以解圍事見邸報中是見

可之能事已略見于世而獨惜余與頤淳淳悶悶以至於六十五也頤少余七歲間訪余翠微山中聽余講左傳遂折節爲弟子其人通敏多藝事好俳諧滑稽故入世而無忤往往能濟其尊君子之剛疎而吾又嘗勉頤以誠樸靜重爲大器見可余則又嘗以膽氣許之今老猶足用善飲酒有伏波據鞍顧盼之槩頤比年志在四方頗能得投閒抵隙之用乃以家貧親老不能數出外且夫人之得行其志固有時會亦毋爲汲汲也見可先君子極峰先生余所謂三死

魏叔子文集

序

卷十一

熊見二

矣

以就義者祖孫父子三世高節見可足以自壽固不在區區年歲間云

門人梁份曰頓挫嗚咽合敘熊先生父子之壽得史記合傳佳處

○孫容也七十敘

予往客毘陵聞太守駱公多善政方重興延陵書院與大夫士講學其中予甚賢駱公意必有賢者容左右之他日飲賀天石所坐上有夙客見予至甚歡若重相知者予私問天石何人曰此太守內客孫君容也予觀其人頗不類爲太守客者與之談果君子既駱公再枉車騎過予予與孫君益習駱公內艱去君亦行嘗嘗以書問予吳中且曰吾有少子季樊負志氣頗愛之將率之來受業未幾予還山季樊更作魏叔子文集序

卷十一

容也一

允

書千餘言及所作文字郵致山中觀其意志議論非凡子也予報書數百言而君自數千里書問來者間歲不絕戊午冬門人吳子政自河渚歸持吾友顧景范書至言季樊不祿君哭之幾喪明而年亦且七十矣嗟乎予見君時未六十予僅四十有餘今予齒落眼昏領下鬚黑者可手數忽忽遂十餘年天時人事之感有拂鬱坎壈不能以自道者而君又遭賢子之變舉觴之際其何以爲情然吳生言君老尚健步每聞山巖遺逸士及諸方技通一藝以上者皆不憚遠

道訪之與少壯時無異君其猶將有以用之與吾聞
君家餘姚未四十時嘗以義監軍事于臨安能戢兵
捍臨安之人其父老子弟皆德君士大夫交相禮重
是以僑家於臨夫兵之所過爲荆棘軍營所屯其地
之人數世之後未有不深怨其渠帥者君能使臨安
人德之如是則君之德與才已具見諸行事視予碌
碌一無所展布以老者蓋已遠矣君旁通醫藥形法
家諸技爲人効功不計財雖間爲當路客非其志也
往往以義匡持人不合輒拂衣去其異于世之爲容

魏叔二文集

序

卷十一 容也二

百

有如此者五穀大夫年七十始建功名君伯仲二子
才句能自力養君君當自頤以需時會毋爲終戚戚
也已未八月吳生復自山中之河洛因爲敘寄景范
以追貽君云

顧景范曰澹蕩層折文之以情勝者

○鮑生四十敘

詩曰膂力方剛經營四方禮曰人四十曰強而仕是故懷貞抱德肥遯于澗山窮谷者甘心一無所試外此則志氣士句負才句能文章未有鬱鬱久處鄉閭間者也吾門人鮑夔生年十許以詩名未二十交四方之過賓三十而游盛才氣結友幾半天下今年四十會客大將軍幕府生雖不得任所謂剛而經營者庶幾于是往生北游吾爲文送之欲其因書記之任習文武吏事知四方大利害今九年矣而又佐大將軍以鎮吾江西江西比年楚閩之禍動相牽綴千數百里間民之死于賊于兵于焚掠于徵賦于役于無名之刑罰不可算數計仁人君子蓋目有所不忍見而耳不忍聞者生幼僑吾韻習江西事久大將軍生長東粵界北壤錯五嶺出入必于是其視吾江西如鄉閭地意目見耳聞必痛念吾江人之禍結而不解愁苦窮困而思爲之息肩也且吾聞大將軍賢好士生以少舊爲揖客意言議必見聽從子輿氏所謂事半而功倍者其在斯乎易曰師以毒天下而民從之

天。下。大。利。大。害。莫。過。用。兵。以。積。威。則。威。不。可。極。以。積。德。則。德。不。可。極。生。善。佐。大。將。軍。以。休。江。西。千。數。百。里。之。民。他。日。蕃。祉。老。壽。皆。生。力。所。自。致。何。區。區。仕。不。仕。之。足。云。

蔡龍文曰欲爲桑梓請命而婉曲以出之然筆力
挺健絕無枝葉之文


魏叔子文集

叙

卷一

鮑生

百二



○王汾仲六十敘

賢人王子汾仲隱居于金陵之上新河余交之有年矣庚申八月王子六十初度余適自金陵之吳門不能爲王子舉一觴于是爲敘遣兒輩登堂拜手以進之其言曰吾觀數十年間天下志士當少壯時敏發于名義矜于氣不難碎首斷吭以爭其所不能爭及夫強艾少陵夷矣而腆忍脂韋怵于禍憲苟且于名利視其初若秦越之兩人者蓋不可勝數也吾甚悲之古之達者以死生爲旦暮志士則以旦暮爭死生

魏叔子文集序

卷十一

汾仲一

三

求其久而不回抑亦難哉汾仲壯年好義常被大禍金鐵嬰于頸三木交于踝脛拷訊備至而密然不肯及一人當是時汾仲之幾死于犴狴者屢矣及事釋而汾仲隱居教授或賣字給口食夷然若于世無所輕重吾以是來金陵必主汾仲也汾仲工于詩其爲人誠信外和而內直詩多悽音古節得騷雅之遺嗟乎以汾仲之才取富貴安在其不富貴平生交遊仕州郡者不乏人使往而干澤亦豈遂以賣字老然汾仲廚無見糧或晨夜併炊而食顧欲以貧賤終其身

何耶。方汾仲在獄時有醫者朱貞之日賣藥得錢除
身食外悉以養汾仲妻子如是者經歲不少懈此其
人可不謂義士然唯汾仲能得之則汾仲生平所以
取于入者可知。虞仲翔曰天下有一人知己足以不
恨。况二十年後復有知汾仲如余者。汾仲其可以自
慰。余少汾仲三歲更數年七十四甲子余六十有一
吾意汾仲詩必有和平藹吉之音爲余壽行將倡余
而和汝也。

彭躬菴曰洗發汾仲難處有刺骨之論文更以澹

魏叔子文集

序
卷十一 汾仲二

一四

蕩見長

○○○門人梁份吳正名四十序

梁字質人
吳字子政

歲庚申門人南豐梁份貴池吳正名並四十二生深相結其忠篤信實可倚托於世為有用之才則一也吳生以孝謹聞于人梁生強幹力能任難事置死生度外比年有成效可槩見而吳生好持重于事迴翔審處而不肯輕蹈此其天資與學各有所長不可得而強齊者二生立吾門其文章視同門生為翹楚其成將不可量特正名性疑滯而執份剛而自遂為病有淺深差不甚相遠也二生年既四十正古人所謂

魏叔子文集序

卷一一

梁吳一

五

強仕之日天時人事于世其亦可矣夫事變之來日有萬至吾雖智慧豈能持萬法以應之唯其虛心而不自用則不獨可以用人而聽言而吾之心胸空明活潑無所底滯則其智慧可隨時而增長而事變之來有以泛應曲當而不窮古之大人能濟變而成大事者莫不由此故吾于正名也欲造之使大于份也務其通正名吾故通家子八九歲時從游以至今份自南豐來冠石為躬菴先生門人暨確齋先生並為予稱道份甚亟最後正名又甚道份然兩先生好獎

進人才凡少年才俊士于前輩其言動自矜持務爲
好同輩則率爾多見其天質故予之知份自正名始
定份性好睡與人匡坐少選則鼾聲動四座然其住
龍當山時賊晝夜攻之份料守禦事曉不交者旬有
餘日所全戶以百十計予嘗笑謂份曰吾每疑陶丞
事謂世當無此人_○不意今日始信份疾惡嚴得柄懼
其過于誅殺正名翔而後集吾懼其持牢而失事機
也正名不妄求貸好儉齊份貧于財揮擲不介意此
皆各有其長者二生以其長互相濟其短者相力規
勉是足以有用于世矣份負笈從吾客江南正名曰
來且未至他日二生相見談以吾文相譏評其未合
者當以告我也_○
○在○無○情
○之○妙
○與○前○處○心○相○應

魏叔子文集序

卷十一 梁吳二

夏

彭躬菴曰雜組如繡其提機旋衡處更有特大吾
于是悒斐然之裁狂簡並得皆在尼山擇練中矣

系教政



518